

Söngdagskrá Ísaksskóla 2024-2025

11. - 15. nóvember

Pema: Aðalsteinn Ásberg í tilefni Dags íslenskrar tungu

Krúsilíus

Drippedí-dripp

Bullutröll

Ég lifi í draumi

Vögguvísa handa pabba

18.-22. nóvember

Skipulagsdagur 22. nóvember

Húsið og ég

Það á að gefa börnum brauð

Jólakötturinn

Krúsilíus

Vögguvísa handa pabba

Bullutröll

25. - 29. nóvember

Við kveikjum einu kerti á

Hátíð fer að höndum ein (1. erindi)

Jólin eru að koma

Húsið og ég

Það á að gefa börnum brauð

Jólakötturinn

Krúsilíus

Lag og ljóð: Aðalsteinn Ásberg Sigurðsson

Kannstu við köttinn minn?

Hann klókur er en besta skinn.

Hann er stærri en hestur

og stærri en hús.

Já, kötturinn minn heitir Krús- Krús- Krús-

Krúsilíus.

Hann er gulur og grænn og blár

galdraköttur í húð og hár.

Og ég veit hvað hann syngur

og víst er það satt

að Krúsilíus hann á köflóttan hatt.

Krúsilíus.

Krúsilíus kynlegur er

og klórar oft í tærnar á mér.

Hann vill aldrei fisk

er með væl og pex

og segist bara vilja súkkulaðikex.

Krúsilíus.

Og ekki nennir hann að elta mýs

því alla daga vill hann rjómaís.

Hann er alltaf að stækka

en enginn það sér

því Krúsilíus býr í kollinum á mér.

Krúsilíus.

Drippedí-dripp, droppedí-dropp

Lag og ljóð: Aðalsteinn Ásberg Sigurðsson

Drippedí-dripp, droppedí-dropp

drippedí, drippedí, droppedí-dropp.

Drippedí-dripp, droppedí-dropp

drippedí, drippedí, droppedí-dropp.

Rigning hér og rigning þar

já, rigningin er alls staðar

en sama er mér og

sama er þér

við sullum og bullum hér.

Ég lifi í draumi

Lag: Eyjólfur Kristjánsson

Ljóð: Aðalsteinn Ásberg Sigurðsson

Ég lifi í draumi,

dreg hvergi mörkin dags og nætur,

sveiflast aðeins ósjálfrátt.

Í hægum gangi,

á fullt í fangi með að finna það

sem oftast reynist öfug átt.

Það er líkt og ég sé laus úr öllum viðjum,
lentur hringsólandi á vegi miðjum.
Ég lifi í draumi,
dreg hvergi mörkin dags og nætur,
sveiflast aðeins ósjálfrátt.

Vögguvísa handa pabba

Lag og ljóð: Aðalsteinn Ásberg Sigurðsson

Sofnaðu nú, pabbi minn,
og sofnaðu fljótt!
Senn er liðinn dagurinn
og komin rauðanótt.
Ef þú lokar augunum
ætla ég að lita
og kannski' að fá mér karamellu
eða kökubita.

*Sefur bók í hillu
og bíll úti' í skúr,
blómin í glugganum
fá sér líka dúr,
kústurinn í skápnnum
og kanelsnúðurinn.
Kúrðu nú og sofðu,
stóri pabbi minn!*

Loksins get ég leikið mér
og ljósin öll kveikt,
ostinn skorið eins og brauð
og íspinna sleikt.
Út í garðinn einn ég fer
aðeins til að róla.
Með bangsa mínum best finnst mér
berfættur að hjóla.

*Sefur mús í holu
og mynd uppi' á vegg,
mjólkinn í ísskápnnum,
tómatar og egg.
Sólgleraugin dorma
og svarti hatturinn.
Sofðu bara lengi,
góði pabbi minn!*

Bullutröll

Lag og ljóð: Aðalsteinn Ásberg Sigurðsson

Trúir þú á tröllabullið?
Taktu nú eftir, hlustaðu' á!
Fyrir löngu fóru á stjá
ferleg skrímsli með hausa þrjá.

Þau er líka þursar kölluð,
þungbúin og leið að sjá,
herfilega heimsk, ó, já,
og hafa engu' að segja frá.

*Bullutröll, bullutröll,
búa í stórri fjallahöll,
en fari þau um víðan völl
verða þau oft að steini.*

Skessurnar í skessuleikjum
skoppa létt um dal og fjörð,
hendast yfir hæstu skörð
svo hristist bæði sjór og jörð.

Stólpakarlar stika yfir
stærstu jökla, fara geyst.
Heljarbjörg þeir hafa reist
og haugbúa úr viðjum leyst

*Bullutröll, bullutröll,
búa í stórri fjallahöll,
en fari þau um víðan völl
verða þau oft að steini.*

Það á að gefa börnum brauð

Lag: Jórunn Viðar

Ljóð: Gömul þula

Það á að gefa börnum brauð
að bíta í á jólnum,
kertaljós og klæðin rauð
og klæðin rauð og klæðin rauð
svo komist þau úr bólunum.

Væna flís af feitum sauð
sem fjalla gekk á hólunum.
Nú er hún gamla Grýla dauð,
gafst hún upp á rólunum.

Nú er hún gamla Grýla dauð
og Grýla dauð og Grýla dauð,
gafst hún upp á rólunum.

Jólakötturinn

Lag: Ingibjörg Þorbergsdóttir

Ljóð: Jóhannes úr Kötlum

Þið kannist við jólaköttinn,
- sá köttur var gríðarstór.
Fólk vissi ekki hvaðan hann kom
eða hvert hann fór.

Hann glennti upp glyrnurnar sínar,
glóandi báðar tvær.
- Það var ekki heiglum hent
að horfa í þær.

Kamparnir beittir sem broddar,
upp úr bakinu kryppan há,
- og klærnar á loðinni löpp
var ljótt að sjá.

Hann veifaði stélinu sterka,
hann stökk og hann klóraði og blés,
- og var ýmist uppi í dal
eða úti' um nes.

Við kveikjum einu kerti á

Lag: Emmy Köhler

Ljóð: Sigurd Muri

Þýðing: Lilja S. Kristjánsdóttir

Spádómskertið

Við kveikjum einu kerti á.
Hans koma nálgast fer
sem fyrstu jól í jötu lá
og Jesúbarnið er.

Betlehemskerðið

Við kveikjum tveimur kertum á
og komu bíðum hans,
því Drottinn sjálfur soninn þá
mun senda' í líking manns.

Hirðakerðið

Við kveikjum þremur kertum á,
því konungs beðið er,
þótt Jesús sjálfur jötu og strá
á jólum kysi sér.

Englakertið

Við kveikjum fjórum kertum á.
Brátt kemur gesturinn
og allar þjóðir þurfa að sjá,
að það er frelsarinn.

Hátíð fer að höndum ein

Íslenskt þjóðlag

Gömul þjóðvísa

Hátíð fer að höndum ein,
hana vér allir þrýðum.
Lýðurinn tendri ljósin hrein,
líður að tíðum,
líður að helgum tíðum.

Gerast mun nú brautin bein
bjart í geiminum víðum
ljómandi kerti' á lágri grein
líður að tíðum
líður að helgum tíðum.

Jólin eru að koma

Lag og ljóð: Einar Örn Jónsson

:Í kvöld jólin er'að koma:

Aðfangadagur - ég bíð eftir
jólunum spenntur
mamma segir að jólasveininn sé lentur
og hann kemur í kvöld
með gjafir handa mér
á nálum nú ég er
því jólin eru að koma í kvöld.

:Í kvöld jólin er'að koma:

Aðfangadagur - mig dreymir um
gjafir í baði
mamma segir ég þurfi að þvo mér
með hraði
því röðin er löng
og næst á eftir mér
er pabbi að flýta sér
því jólin eru að koma í kvöld

:Í kvöld jólin er'að koma:

Og þó ég þekki jólaboðskapinn
um frið og kærleik hér á jörð
þá er sannleikurinn sá
ég gjafir verð að fá
því jólin eru að koma í kvöld

:Í kvöld jólin er'að koma:

Aðfangadagur og ljósin lýsa upp bæinn
ég er búinn að bíða liðlangan daginn
en tíminn er kyrr
og nú koma þau á ný
ég fæ aldrei nóg af því
jólin er'að koma
jólin er'að koma
jólin eru að koma í kvöld.

:Í kvöld jólin er'að koma:

Húsið og ég

Lag: Helgi Björnsson, Rafn Ragnar Jónsson, Rúnar
Þórisson og Örn Jónsson

Ljóð: Vilborg Halldórsdóttir

Húsið er að gráta alveg eins og ég.
Da-ra-ra-ra-ra, o-ó

Það eru tár á rúðunni
sem leka svo niður veggina.
Gæsin flýgur á rúðunni,
eða er hún að fljúga á auganu á mér?
Ætli húsið geti látið sig dreyma,
ætli það fái martraðir?

Hárið á mér er ljóst,
þakið á húsinu er grænt,
ég Íslendingur,
það Grænlandur.

*Mér finnst rigningin góð,
la-la-la-la-la, o-ó
Mér finnst rigningin góð,
la-la-la-la-la, o-ó*

Einu sinni fórum við í það
og ferðuðumst til Balí.
Við heyrðum í gæsunum
og regninu.

Það var í öðru húsi,
það var í öðru húsi
Það var í öðru húsi,
það á að flytja húsið í vor.

*Mér finnst rigningin góð,
la-la-la-la-la, o-ó
Mér finnst rigningin góð,
la-la-la-la-la, o-ó*